

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
OPĆINSKI SUD U JAJCU
Broj: 128 0 I 028169 24 Kom 2
Jajce, 06.11.2024.godine**

Općinski sud u Jajcu, sutkinja Milena Dramac, u pravnoj stvari tražitelja izvršenja JKP „Čistoća i zelenilo“ d.o.o. Jajce H. V. Hrvatinića br.1., protiv izvršenika Alena Duranović iz Jajca, Berte Kučere b.b., vl. Nargila Marocco caffe bar, ul. Maka Dizdara b.b., radi duga v.s. 517,76 KM, donio je dana 06.11.2024.godine, slijedeći:

**ZAKLJUČAK
- o prodaji-**

**ODREĐUJE SE prva javna prodaja pokretnih stvari izvršenika i to:
- vodene lule (nargila) sa aromom, procijenjena vrijednost 200,00 KM – 5 komada**

Prvo ročište za prodaju pokretne imovine izvršenika održat će se u zgradi Općinskog suda u Jajcu, ured sudskih izvršitelja dana **10.12.2024.godine s početkom u 10,00 sati.**

Na prvom ročištu za javno nadmetanje stvari koje su predmet prodaje ne mogu se prodati ispod polovine utvrđene vrijednosti.

U javnom nadmetanju kao kupci mogu sudjelovati fizičke i pravne osobe osim osoba navedenih u odredbi članka 88, Zakona u izvršnom postupku („Sl.nov. F BiH“ br. 32/03, 52/03, 33/06, 39/06, 39/09 i 35/12).

Početne ponude za prvo ročište za iznos manji od jedne polovine utvrđene vrijednosti neće biti razmatrane. Porez i takse u vezi sa prodajom pokretnih stvari snosi kupac. Kupac sa najvećom ponudom će platiti cijenu za pokretnu stvar odmah nakon objavljivanja rezultata, a najkasnije u roku od 8 (osam) dana od dana prodaje.

Ukoliko ponuđač ne plati cijenu odmah po pozivu suda drugi ponuđač će biti proglašen kupcem i platiti će onu cijenu koju je on ponudio i tako redom.

U slučaju da nijedan od ponuđača sa odgovarajućom ponudom ne plati cijenu odmah po pozivu suda sud će na zahtjev jedne od stranaka oglasiti da prvo ročište nije uspjele. Zahtjev sudu za zakazivanje novog ročišta stranka može podnijeti u roku od 8 (osam) dana od održavanja neuspjelog ročišta.

Na drugom ročištu se pokretna stvar koja je predmet prodaje može prodati bez ograničenja u pogledu iznosa njene cijene.

Sud će obustaviti postupak ako ni jedna stranka ne predloži održavanje drugog javnog nadmetanja u propisanom roku ili ako se stvari ne uspiju prodati u drugom javnom nadmetanju. Na ročište za prodaju pokretnih stvari se pozivaju tražitelji izvršenja, izvršenik, te zainteresirane pravne i fizičke osobe kao kupci.

Ovaj zaključak o prodaji objavit će se na oglasnoj ploči ovog suda.

Od dana objavljivanja ovog Zaključka na oglasnoj ploči do dana prodaje mora proteći najmanje 30 dana, s tim da tražitelji izvršenja i izvršenik ovaj Zaključak o prodaji o svom trošku mogu objaviti u jednom od dnevnih listova u Federaciji Bosne i Hercegovine.

POUKA: Protiv ovog Zaključka nije dopuštena žalba

SUTKINJA
Milena Dramac

